

Larve

Text und Musik
Jacob Stückelberger

Z'Basel isch wi-der mal d'Fas-nacht ver-by me het sen in Eh-re be-gra-be no
 ei-ne steit u-me e Wag-gis ischs gsy und trum-mlet im Le-ons-hards-gra-be doch
 us sy-re Lar-ve da lou-fe der-by ihm Trä-nen uf d'Trum-me-le a-be wa-
 rum schluchzt er mues d'Fas-nacht ver-ga? i bhal-te d'Lar-ven a Druf a

Larve

1. Z'Basel isch wider mal d'Fasnacht verby
 me het sen in Ehre begrabe
 no eine steit umen e Waggis ischs gsy
 und trummet im Leonhardsgrabe
 doch us syre Larve da loufe derby
 ihm Tränen uf d'Trummelen abe,
 warum, schluchzt er, mues d'Fasnacht verga?
 i bhalte d'Larven a
2. Druf setzt er deheim koschtümiert sech a Tisch
 und tuet düre Larvehals ässe
 und geit so y ds Büro wos Bürozyt isch
 ou Trumme het är nid vergässe
 är trummet im Tram was hesch und was gisch
 erschreckt rüefe d'Lüt, dä isch bsässe
 warum het dä komisch Ma
 ächt geng no d'Larven a?
3. Am Abe zwar leit er es Pyjama a
 doch d'Larve blybt uf sym Chopf obe
 y ds Bett well er mit eme Trummelmarsch ga
 so isch er y ds Schafzimmer gschobe
 me gseht de ir Fischtri zum Chüssi us stah
 sy Nasen e mächtige Chlobe -
 warum het dä komisch Ma
 ächt geng no d'Larven a?
4. Und so isch es bliiben am zwölften April
 da geit men i Garte ga bummle
 und suecht Oschtereier s'wär öschterlech still
 vorausgesetzt är würdi nid trumme
 doch d'Larve zieht mit dür das Oschteridyll
 dür Krokus und Bienli und Hummle
 warum het dä komisch Ma
 ächt geng no d'Larven a?
5. So isch de ou d'Summer und Herbstzyt verby
 für d'Wiehnacht wird d'Larve früsch gstriche
 und wider wär Morgestreich z'Basel am Rhy
 da isch d'Fasnachtsfreud vonem gwiche
 är zieht d'Larven ab laht ds Trumme la sy
 vom Märplatz gäg hei isch er gschliche
 warum het dä komisch Ma
 jitz d'Larve nümen a?